

ԱՐՁԱՆԱԳՐՈՒԹՅՈՒՆ 16/06
«Թրանսփարենսի Ինթերնեշնլ հակակոռուպցիոն կենտրոն» ՀԿ
ԽՈՐՀՐԴԻ արտահերթ նիստի

ք. Երևան

02-րդ սեպտեմբերի 2016թ.

2016 թվականի սեպտեմբերի 2-ին տեղի ունեցավ «Թրանսփարենսի Ինթերնեշնլ հակակոռուպցիոն կենտրոն» (ԹՀԿ) հասարակական կազմակերպության խորհրդի արտահերթ նիստը՝ հեռահաղորդակցության միջոցների օգտագործմամբ՝ առցանց:

Նիստին հեռակա կարգով մասնակցում էին խորհրդի բոլոր հինգ անդամները՝


1. Հայկակ Արշամյան
2. Սուրեն Սաղաթեյան
3. Վազգեն Կարապետյան
4. Միքայել Հովհաննիսյան
5. Նվարդ Մանասյան


Նիստին առցանց մասնակցում էին նաև ԹՀԿ գործադիր տնօրեն Վարուժան Հոկտանյանը, փոխտնօրեն Սոնա Այվազյանը: Առցանց թղթակցությունը վարում էր ԹՀԿ անդամ Հերիքևազ Տիգրանյանը:

Օրակարգում՝

1. ԹՀԿ գործադիր տնօրեն Վարուժան Հոկտանյանի լիազորությունների դադարեցման մասին որոշման ընդունում,
2. ԹՀԿ նոր գործադիր տնօրենի ընտրություն,
3. Նորընտիր գործադիր տնօրենին լիազորում, որպես ԹՀԿ պաշտոնական ներկայացուցիչ ԹՀ ընդհանուր ժողովում:

Օրակարգի 1-ին հարց	Խորհրդի նախորդ նիստում արդեն տեղեկացվել էր, որ ծրագրային ծանրաբեռնվածության պատճառով ԹՀԿ գործադիր տնօրեն Վարուժան Հոկտանյանը հրաժարվում է հետագա պաշտոնավարումից, ուստի դիմել է Խորհրդին իր լիազորությունները դադարեցնելու համար: Հիմք Վ.Հոկտանյանի՝ 31.08.2016թ. էլեկտրոնային դիմումը՝ կցվում է:
Խորհուրդը	Որոշեց՝ Հիմքը ընդունելով Վ. Հոկտանյանի դիմումը և ղեկավարվելով ԹՀԿ կանոնադրության 3.7.9.կետի «գ» ենթակետով՝ դադարեցնել գործադիր տնօրենի լիազորությունները: <i>Քվեարկության արդյունքները՝ կողմ՝ 5, դեմ՝ 0, ձեռնպահ՝ 0:</i>
Օրակարգի 2-րդ հարց	Խորհրդի անդամների կողմից գործադիր տնօրենի պաշտոնում առաջադրվեց Սոնա Այվազյանը, այլ թեկնածություններ չեղան: Անցկացվեց քվեարկություն և ընտրությունը կայացավ:
Խորհուրդը	Որոշեց՝ ԹՀԿ գործադիր տնօրենի պաշտոնում ընտրել Սոնա Այվազյանին: <i>Քվեարկության արդյունքները՝ կողմ՝ 5, դեմ՝ 0, ձեռնպահ՝ 0:</i>
Օրակարգի 3-րդ հարց	ԹՀ ընդհանուր ժողովում ԹՀԿ-ն պաշտոնապես ներկայացնելու համար Նորընտիր գործադիր տնօրենը պետք է լիազորվի Խորհրդի կողմից:
Խորհուրդը	Որոշեց՝ ԹՀԿ գործադիր տնօրեն Սոնա Այվազյանին լիազորել ներկայացնելու ԹՀԿ-ն, որպես պաշտոնական ներկայացուցիչ, ԹՀ ընդհանուր ժողովում:
Խորհուրդը	Շնորհավորեց Սոնա Այվազյանին ընտրվելու կապակցությամբ և շնորհակալություն հայտնեց Վարուժան Հոկտանյանին՝ կատարած աշխատանքների համար:

Խորհրդի նախագահ՝  Հ. Արշամյան

Նիստի քարտուղար՝  Հ. Տիգրանյան

